

صاحبی ، مدیری ، محرری :

طاہر المولوی

آبونہ بدلی :

منہ لکی ۱۰۰ غروش

آلتی آیلنی ۵۰ »

اوج آیلنی ۲۵ »

محفصل

۱۳۳۸

ادارہ خانہ سی :

شہزادہ باشندہ (تعالی اسلام)

جمعیتی مرکز عمرہ میسی

مرکز توزیعی :

باب عالی جادہ سندھ اتحاد

تجارت کتب خانہ سی

اسلامک نفعہ خادم مقالات

مع الشکر قبول و دوج اولونور

دینی ، علمی ، ادبی ، اجتماعی و شہید بلک شہری مجموعہ اسلامیدر

عدد : ۳

۱۳۳۹ محرمہ مخصوص نسخہ

فی ۷ بوجوق غروش

محررات

- محفصل دینی و علمی : وعید قرآنی - اورفہ لی محمود کامل . انبیایہ انزال اولونان دین ، بر دیندر - اسکبلی محمد عاطف .
- بر آیت مناسبتیہ - فرید . حکمت تشریع - صدرالدین . صوفیہ نک روح حقندہ کی تلقیاتی - آقہ کیلی احمد حمدی .
- محفصل تاریخی : محرم الحرام - طاہر المولوی . مشرکین عربک مشہور پوتلری - طاہر المولوی .
- محفصل اجتماعی : اسلام حیات اجتماعیہ سندھ آتیلاجی خطوہ لردن - علی خلیبی .
- محفصل ادبی : غنی کشمیری و بعض ابیاتی - طاہر المولوی . برقطہ - طاہر المولوی . رباعی - شیخ عبدالباقی . نظم - محی الدین رائف .
- متنوعہ : برغنی ، استخلاف .

تبریک : سال جدیدک بالجلہ اخوان دین حقندہ متیمن اولماسی لطف الہیدن متمنادر

اسلام یولی

فاتح درسعاملرندن ابتداء داخل مدرسہ سی . مدیر عمومیتی اسکبلی عاطف اقدی طرفدن تألیف ایدلش اولان بو اثر ہر مسلمانک بیلغی لازمکن احکام اعتقادیہ و احکام عملیہ ، اخلاق و آداب اسلامیہ ایلہ حکم و فوائد تشریعیہ بی حاوی واجتماعیات و سیاسیاتہ دائر اصول اسلامیہ بی محتویدر .

ہر کسک آکلایہ جنی طرز اوزرہ آچیق ترکیہ اولہرق یازلش غایت قیمتدار بر علم خالدرکہ اوقویانلرہ دین و روحی افاضہ ایدر . بالخاصہ اولیای اطفالہ توصیہ اولنور .

محل فروختی : حکاکردہ کتابچی راشد افندینک دکانی ایلہ باب عالی جادہ سندھ اقبال کتب خانہ سیدر .

مقطرات و جیبی حاوی اولان

ربع دائرہ نک صورت استعمالی

اسطرلابدن سوکرہ ترکر طرفدن ایجاد ایدلش وامریقا کاشفی قریستوف قولومیک اننای سترندہ استعمال قیلنمش اولان ربع دائرہ ، بین الاسلام و بین الموقنین کثرتلہ قولالانیمقدہدر . علم ہیأتک کافہ تطبیقاتی و تخصیص اوقات شرعیہ و تفرعاتی فایت بسیط بر صورتہ حل ایلبان مذکور آلتک صورت استعمالی حقندہ کی تعریفات شکل اوزرندہ سلیس بر افادہ ایلہ ، منتسین علم ہیأتدن اخذضیا بک طرفدن ، یازیلوب طبع ایدلمکدہ اولدینی خبر آلمشدر .

وعید قرآنی

بِسْمِ اللَّهِ الرَّحْمَنِ الرَّحِيمِ

وقضينا الى بني اسرائيل في الكتاب لتفسدن
في الارض مرتين وتعلن علواً كبيراً فاذا جاء وعد
اوليها بعثنا عليكم عبداً لنا اولى بأس شديد
فجاسوا اخلال الديار وكان وعداً مفعولاً. «سورة اسرى»
الله اعلم مآلى :

« سز : بر یوزنده محقق ایکی دفعه فساد چیقارمقله
برابر بکا قارشى مطلقاً تعظم وتضد کوستره جکسکزدیه
بنی اسرائیله کتاب تورانده بیلدیردک ، او ایکی فساددن
برنجیسک میعاد جزاسی کلهجهده اوزریکزه شدت وسظوت
صاحبی بر طاقیم قولاریمزی کوندردک. اونلر؛ دیاریکزه
کیردی وحکم الہی برینی بولدی »

فی الحقیقه بنی اسرائیل ؛ قرون اولاده جناب حقت
تورلو تورلو لطفنه ونعمته مظهر اولمشلردی جناب حق
کندیلرینه توراتی حامل پیغمبر ارسالیله دنیاده، آخرتده
عز ورفاهه نائل اولالرینی تأمین ایچین بوتون سعادت
یولارینی اونلره واضحاً کوسترمشدی .

قران عظیم الشانک متعدد آیتلرندہ بو نعمتلر ذکر
ایدلشدیر . از جمله (واذقال موسى لقومه اذكروا نعمة الله
عليكم اذ جعل فيكم انبياء وجعلكم ملوكاً وانا انكم مالم يوت
احداً من العالمين) یعنی «موسی علیه السلام قومنه دیندی که
ای قوم، ای بنی اسرائیل! اللهک سزه قارشى اولان نعمتلرینی
خاطر لایکزه ایچیکزدن پیغمبرلر کوندهردی، و آراکزدن

پادشاهلر اجلاس ایلهدی وهیچ برملته ویرمه دیکنی سزه
احسان ایتدی »

لکن بنی اسرائیلک درجه کبر و عنادی اوقدر آشدی،
طاشدی که نه حضرت موسی نک وعظ ونصایحی، نه ده تورانک
احکام منیفه سی؛ بو قوم ضلالت پیشه به تأثیر ایدیوردی .
بالعکس او مواعظ واحکامه لاقید، حتی بغضکار طاوورانیورلر،
اللهک اوامر ونواهیسنه انقیاد شویله طورسون ، اونلره
- حاشا شم حاشا - استهزا ایدیورلردی .

قدرت وقوتی بالکمز کندیلرندہ کورو یورلر، اللهک
قدرتی هان هیچه صایورلردی . امری نهیه، نهی امره
تحویل ایتمیشلر کی نهیه انقیاد کوستریورلر، امردن ایسه
اجتناب ایدیورلردی .

ضلالت مستمره لرینه نهایت ویرمک اوزره کوندزیرلن
انبیائک بعضیلرله استهزا ، بعضیلرینی ده (زکریا و یحیی
علیهمالسلام کی) قتل ایلیورلردی .

بناءً علیه قوانین قطعیة الهیه موجبه ججه بونلرک تأدی
لازم کیلیوردی. ایشته جناب حق وعادل مطلق حضرتلری
اوامر الهیه سنه قارشى کن بو قومى ناصل تأدیبتی ایتدیکنی
شو آیتلرله برای ایفاظ وایعاض بز مسلمانلره بیلدیریور.
خليفة ثانی حضرت عمر رضی الله عنه اقدیمزده
« ان بنی اسرائیل قدمضوا وانکم انتم تعنون بهذا الحديث »
یعنی « ای مسلمانلر ! بنی اسرائیل ماضی به قاریشدی .
شو کلاماً لهینک موضوعی سزسکزه دیهرک بنی اسرائیلک
دوشدیک و رطیه دوشمه مهلرینی تأمیناً مسلمانلری ایفاظ
وارشاد ایلیور و (سنة الله) ک قطعی وهر کسه شامل اولوب
بنی اسرائیله منحصر بولونمادیغنی آکلاتیور .

اسلام ؛ ارشادات قرآنییه قرنآ بعد قرن مراعات
ایله کره ارضده کی سیادت وتصرفی احراز ایتدی (کنتم
خیرامة اخرجت للناس) آیت کریمه سنه کسب لیاقتله مدت
مدیده وظیفه مدنیه وکونیتهستی ایفا ایلهدی .

سجل عمومی بشر اولان تاریخ ؛ تدقیق ایدیلرسه
کورو لورکه مختلف قوملردن بولونان مسلمانلر ؛ حضرت

قرآن نه درجه توفیق حال و حرکت ایتمشه او نسبتده
ترقی و عکس تقدیرده ینه او نسبتده تدنی ایله مشدر.

بز عثمانیلر - صدهزار تأسف - صوک زمانلرده ،
بالخاصه مشروطیتدن صوکر حضرت قرآن وانک احکام
منیفه سنی مهمل عد ایتمکه دوچار اولدیغمز خسران مین
میدانده در .

زمان ده نیلن امر موهوم اعتباری بی برطرفه براقه رق
هر مسلم و مسلمه ؛ بو آیت کریمه بی اوقورده برده وضعیت
حاضره اجتماعه مزی کوز اوکنه کتیره جک اولورسه
آیت کریمه نك عادتاً بوکون بزم ایچون نازل اولدیغنده
شبهه ایتمز .

(بعثنا علیکم عباداً لنا اولی بأس شدید فجا سوا
خلال الدیار وکان وعداً مفعولاً) شیمدی ای قاره متفکر!
« علیکم » ده کی ضمیر خطابدن مراد کیم اولدیغنی دوشون
وبونی تعین ایتدکن صوکر - که تعیننده مشکلات
چکمه یه جکدکن امینم - اوکا کوره حرکت ایت .

حضرت قرآن ؛ بوتون صدای صمدانیسیله بزی
ایقظ ایدرک دیورکه : ای مسلمانلر ! یا بزم احکام
جاییله مه بوتون حرکات و سکناتکمزده اتباع ایدرک
اسکی اجتماعی درجه کزه نائل اولورسکمز ، یاخود بی
مهمل براقه رق یووارلا نمده بولوندیغکمز اوچورومدن
اسفل السافلینه قدر کیده رسکمز که اوراسی - دنیاده - اقوام
ظالمه چیزمه سنک آتیدر !

اورفلی

محمود کامل

انبیای عظام حضرتانه وحی و انزال
اولنان دین ؛ بر دیندر

[شرع لکم من الدین ما وصی به نوحا والذی اوحنیا
الیک وما وصینا به ابراهیم وموسی وعیسی ان اقیموالدین
ولا تتفرقوا فیه] یعنی [ای امت محمد ! الله تعالی حضرتلری ،

نوح ، محمد ، ابراهیم ، موسی ، عیسی وسائر انبیایه امر
ایلدیکی دین وطریق اسلامی سزه بیان ایتدی . تصدیق
وقبولی واجب اولان اساسات دینییه ایمان ایدوب انقیادی
واجب اولان احکامه اطاعت ایدرک اصول دین وارکان
اسلام ده تفرق واختلاف ایتکمز [نظم جلیلی مفادنجیه
بتون پیغمبران کرامه وحی و انزال اولنان دین حق ؛ بر دیندر .
[ان الدین عندالله الاسلام] قول کریمی مقتضاسنجهده
اودین حق ؛ دین اسلامدر .

ناسک خالق کائنات ومدبر عوالم اولان ذات اقدس الهی به
تقرب سعادتیه نائل اولملری انجیق رسل کرام وانبیاء
عظامک تعلیم وتبلیغی ایله ممکن وقابل اوله بیله جکندن
مشارالیم حضرتانک جمله سی خلقی من طرف الله نازل اولان
دین حقه ، دین اسلامه دعوت ایتملردر .

دین اسلام ؛ اولاً حضرت آدم علیه السلامه ، بعده سائر
انبیاء و رسل کرام حضرتانه وحی و انزال اولنش وعادات
وسنن الهیه اقتضاسنجه تدریجاً تکمیل ایدرک اک صوک
اولق اوزره حضرت محمد علیه السلامه نازل اولمشدر .

حضرت محمد ؛ بودین حق عموم ناسه تبلیغ ایتک اوزره
بعث اولنش وبونک ایچون شریعتی خاتم الشرایع و کندیبی
خاتم الانبیاء اولمشدر .

[وازلنا الیک الکتاب بالحق مصداقاً لما بین یدیه
من الکتاب] یعنی [ای محمد ؛ سکا حق و صدق ناطق و کتب
سماویة متقدمه بی مصدق اوله رق بر کتاب کامل انزال ایلدک]
نظم مبینی ایله قرآن کریم ؛ اصول دینده سائر کتب سماویة
آلهیه بی مصدق و بوخصوصده آناره موافق اولدیغنی بیان
بیورلقده در .

بناءً علیه رسل کرام وانبیاء عظام حضرتانه وحی و انزال
اولنان دین جلیل اسلام ؛ اصولده متحد قدیم بر دیندر .
عموم پیغمبران عظام حضرتانی بوخصوصده متفقد لر .
جمله سی خلقی دین حقه دعوت ایتک وظیفه مقدسه سنده
اتفاق ایتدکن باشقه بوجه آتی اصول اسلامی دهده اجتماع
واتفاق ایتملردر :